

ODRŽANA JAVNA RASPRAVA O NACRTU ZAKONA O PREMJERU I KATASTRU NEKRETNINA U BIHAĆU

16.05.2025 16:34



FGU
Federalna uprava za geodetske i imovinsko-pravne poslove

Dana 15. maja 2025. godine u sali Gradskog vijeća Grada Bihaća održana je javna rasprava povodom Nacrta Zakona o premjeru i katastru nekretnina u Federaciji Bosne i Hercegovine. Rasprava je okupila predstavnike kantonalnih institucija, jedinica lokalne samouprave i privatnog sektora, koji su iskazali interes za unaprjeđenje zakonodavnog okvira u oblasti geodetskih i katastarskih poslova.

Predstavnici Federalne uprave za geodetske i imovinsko-pravne poslove predstavili su ključne novine u odnosu na važeći Zakon o premjeru i katastru zemljišta, kao i Zakon o premjeru i katastru nekretnina. Kroz izlaganje su pojašnjene predložene izmjene koje se odnose na organizaciju i provedbu premjera, evidenciju nekretnina, ulogu jedinica lokalne samouprave, kao i na modernizaciju geodetskih postupaka u skladu sa savremenim standardima.

Nakon izlaganja uslijedila je konstruktivna rasprava u kojoj su učesnici iznijeli svoje komentare, sugestije i prijedloge. Preostale javne rasprave u vezi sa Nacrtom Zakona o premjeru i katastru nekretnina bit će održane u sljedećim gradovima:

Zenica – 20.05.2025. godine, od 11:00 do 14:00 sati, *Velika sala Grada Zenica*

Tuzla – 21.05.2025. godine, od 11:00 do 14:00 sati, *Hotel Salis*

Mostar – 22.05.2025. godine, od 11:00 do 14:00 sati, *Hotel Mostar*

Sarajevo – 26.05.2025. godine, od 11:00 do 14:00 sati, *Hotel Grand Sarajevo*

Pozivamo sve zainteresovane strane da učestvuju u javnim raspravama i time doprinesu donošenju kvalitetnog zakonskog rješenja u ovoj važnoj oblasti.

